

Tchille Idée

Caractères:

Madame Rachelle de la Cour (veuve)

Lise de la Cour (sa fille)

Docteu' Desvaux

Mme Nicklès Nicolle (femme du Recteu')

Madame Héléne Desgranges

EILEEN LE SUEUR

CONSTANCE DE GRUCHY

HOWARD CABOT

HARRIET DE VEULLE

PHYLLIS GREEN

Scene: La Grand' Tchuisine

- Lise** Ah je sis si contente qu'ous êtes v'nu tandtchi que m.emée est à-haut.
- Docteu'** J'espéthe hein que ch'n'est pas autcheune chose de séthieux et que tu n'as pas besoin de mes soins.
- Lise** Ch'n'est pas pour mé que j'vos ai fait v'nin, mais je sis bein gênée pour memée.
- Docteu'** Prends m'n avis et n'té troubye pas d'lyi ... la bouannefemme est solide coumme un rotchi, et en parfaite santé.
- Lise** Véthe, mais che tchi'm concerne n'est pas la santé, santé physique, mais sa santé mental.
- Docteu'** Bon! Tchest qui s'est don arrivè, dépis ma dernièthe visite à la fin d'l'êtè?
- Lise** J'vos asseuthe qu'ouille est tellement changi dépis qu'ou' s'est minse dans la tête qu'ou ouai des vouaix.
- Docteu'** Des vouaix! En v'la du gniolin; est tu seûthe qu'ou n'perd pas la raison?
- Lise** Ah bein seûthe. Oule a toutes ses fatchultées et raisonne parfaitement bein.
- Docteu'** Eh bein, i' faut que j'dise que j'n'y comprends rein.
- Lise** J'devthais vos dithe qu'ou' pretends qu'i y'a eune tradition dans not' famille, que, quand les femmes vènnent à l'âge de 70 ans i's sont toutes sujettes à entendre des vouaix. Je crai que ch'est eune fabrication chenna, et qu'ouille a liû eune histouaithe avec de pathelles